

## Filemón

<sup>1</sup>Høøch hädaa nocy njahby, høøch Pablohajpä. Tsumyčhänäabiöch cham je'eguiøxpä coöchä Jesucristo miädia'agy nyajwa'xä. Haa ja'a hermano Timoteo, tu'ugwiinmähñdyhöch xmiøødhity coöch hädaa nocy njaay. <sup>2</sup>Miičh Filemón, miičh hädaa nocy nyajnäguexaamby. Hoy hajxy nničhojc nnibia'häyóowäm coo hajxy nduunmújcäm ja'a Jesucristocøxpä. Nyajpoo'xyp højts ja'a hermana Apiahajpä. Jaduhñ je'e njuø'øy nebiä hamdsoo puhdo'oxypän. Njaanä yajpoo'xyp højts ja'a hermano Arquipohajpä. Quipxy højts je'e xmiøødtuumbä maa højts ja'a Diosmädia'agy nyajwa'xiän. Nägøxiä højtsä jäya'ay nyajpoo'xy ja'a hajxy jim mejtspä maa miičhä mdøjcän, ja'a Diosmädia'agy hajxy mabøjpä. <sup>3</sup>Ween mijtsä Dios ja'a hoyhajtä weenhajt hajxy xmio'oy møødä Jesucristo. Ja'a Dios hajxy nDeedyhåjtäm. Ja'a Jesucristo hajxy nWiindsøñhåjtäm.

<sup>4</sup>Naaghóoc-høchä Dios nba'ya'axy, ngapxpáatypøch miičhä mxøø, Filemón. Nnämáabiöchä Dios: “Dioscujú'uyäp”, coo miičh hoy mjaančh tehñ tiuñ. <sup>5</sup>Tøøch

nmädoyhaty coo miičhä Jesucristo miädia'agy hamuumdu'joot tøø mmabøjcä. Jaduhñhöch tøø nmädoyhajpä coo miičhä jäya'ay mjaančh tehñ chocy mjaančh tehñ pia'häyoy, ja'a Diosmädia'agy hajxy mabøjpä. <sup>6</sup>Coo miičhä Diosmädia'agy hamuumdu'joot tøø mmabøcy, paady miičhä hojiot mjaančh tehñ miøødä, weenä jäya'ayhajxy jaduhñ jiaac tehñ wyiinjuø'øy nebiatiä Jesucristo ja'a mayhajt tiuñ ja'a højtscøxphåjtäm. <sup>7</sup>Mägu'ughajpä, jaančh tehñ jioutcújc-høch jaduhñ nniijiäwø'oyii coo miičhä jäya'ay tøø mjootcapxmøcpøcy, ja'a Diosmädia'agy hajxy mabøjpä. Paady miičh jaduhñ tøø mjootcapxmøcpøcy coo miičh mjaančh tehñ chocy mjaančh tehñ pia'häyoy.

<sup>8-10</sup>Høøch Pablo, tøøch nmäjaanä. Chámhöch jaduhnajtä ndsumyčhänä'ay ja'a Jesucristo miädia'agyquiøxpä. Huuc møødhata hojiot ja'a høøchcøxpä. Miičh nmänuu'xtaacypy coo miičhä mayhajt cu mduuñ ja'a Onésimocøxpä. Coo miičhä hojiot mjaančh tehñ miøødä, páadyhöch miičh jaduhñ nmänuu'xta'agy,

hóyhøchä Jesucristo cuhdujt tøø xjia mo'oy cooçh miich nhané'emät. Jadúhñhøch ja'a Onésimo njuø'øy nébiøch nhamdsoo huungpän, je'eguiøxpä cooçh je'e ja'a Diosmädia'agy jaduhñ tøø nyajmäbøcy yaa maaçh yaa ndsumyçhänä'ayän.

<sup>11</sup>Cahnä ja'a Onésimo hänäjty jim piäyø'ogyñä maa miichän, cab miich mmädia'agy hänäjty xquiudiunä. Cab hänäjty tiuna'añ. Pero coo yaa tøø miech maaçh høøchän, jaançh tehñ yhóyhøch yaa xmiøødtuñ. Jaançh tehñ yhoy miich xmiøødtunaambä.

<sup>12</sup>Nguejxtägatsáambiøch jim maa miichän, hóyhøch yaa nja tsoy hamuumdu'joot.

<sup>13</sup>Jadúhñhøch nja mänaañ cooçh cu xmiøødmähmøyy yaa maaçh yaa ndsumyçhänä'ayän. Cu xpiuhbéjtyhøch jaduhñ maa miichcøxpän. Ja'a Diosmädia'agyquiøxpøch cham ndsumyçhänä'ay. <sup>14</sup>Páadyhøch ja'a Onésimo jim guejxtägatsa'añ maa miichän, cábøch nnajuø'øy pø mmäna'anaamb miich jaduhñ coo yaa cu miähmøyy. Pø mdunaambiä mayhajt jaduhñ, ween hamdsoojoot mdúnät; ca'a yhadsipä, ca'a yhajootma'adä; ca'a tii mnajtshäyowø'øy. <sup>15</sup>Wehñdä Dios jaduhñ tøø miäna'añ coo jim piäyø'øgät maa miichän, coo yaa yhidät paquiä maaçh høøchän. Hix, tøø ja'a Diosmädia'agy yaa miäbøcy. Y coo jim ñøcxtägätsät maa miichän, cab jaduhñ mänaa xpiuhwa'adsaannä. <sup>16</sup>Moonsä miich Onésimo hijty mwa'añ. Pero coo jim ñøcxtägätsät maa miichän, jaduhñ

miich mjuø'øwa'añ neby hamdsoo huch neby hamdsoo puhya'aybän. Jaduhñ miich mdsogaambä nébiøch høøch ndsoquiän. Maas hanaxiä miich mdsoga'añ. Hix, maas hoy miich mmädia'agy xquiudiunäanänä. Xímnäts mijts jaduhñ tu'ugymädia'agy mhidaannä ja'a Jesucristocøxpä.

<sup>17</sup>Tøyhajt højts nnijootpáatäm. Tunxä mayhajt jaduhñ. Tsøc Onésimo jaduhñ møødnijootpáatäm neby højts nnijootpáatäm. <sup>18</sup>Pø tøø miich xñägädieeyø'øy hoy ñejpiä, pø xmiänuu'xyhajt miich jaduhñ, høøchä ngüeentä jaduhñ. <sup>19</sup>Høøch nyajñhwa'adsaamby mäduhñtiä xmiänuu'xiä. Tøyhajt jaduhñ. Hamdsoo cø'øháamhøch hädaa nocy jaduhñ njaay; jaduhñ miich tøyhajt mmøødhädät cooçh nga'a hønñda'agy. Y jim miich cueentä mmøødäbä maa høøchcøxpän. Hix, høøch miich jaduhñ tøø nyajmäbøcy ja'a Diosmädia'agy. <sup>20</sup>Mägu'ughajpä, coo ja'a Onésimo jaduhñ mmøødnijootpaadøøð, jaduhñ miich myajcähxø'øga'añ cooçh miich tøyhajt xjiaançh tsoy. Tunxä mayhajt jaduhñ. Hix, näguipxy højts ja'a Jesucristo jaduhñ nmøødhíjtäm tu'ugmädia'agy.

<sup>21</sup>Hamdsoo cø'øháamhøch cham njaay. Nnajuøøbiøch jaduhñ cooçh miich ja'a nmädia'agy xquiudiunäanä nébiøch cham tøø nnäma'ayän. Njaanä najuøøbiøch jaduhmbä coo miich hojioot mjaançh tehñ miøødhada'añ ja'a Onésimocøxpä. <sup>22</sup>Chámhøch mayhajt tu'ug

nmäyujwa'anáangombä. Høøch  
maadaact hahixøødiáacäc.  
Pa'ya'ax ja'a Dios hajxy coöch  
ween xyajpädsømy pujxtøgooty.  
Mäníthøch jim nnócxät maa  
mijtsän.

<sup>23</sup>Xyajpoo'xp mijts ja'a hermano  
Epafrashajpä. Yaaçh jadhñ  
xmiøødtsumyçhänä'ay ja'a  
Jesucristo miädia'agyquiøxpä.

<sup>24</sup>Xyhaagä nä'ä yajpoo'xp mijts

ja'a hermano Marcoshajxy,  
møødä hermano Aristarco,  
møødä hermano Demas, møødä  
hermano Lucas. Xyhaagä nä'ä  
møødtúumbøch hajxy yaa ja'a  
Diosmädia'agyquiøxpä.

<sup>25</sup>Weenä Jesucristo hoyhajt  
weenhajt hajxy xmio'oy  
coo jaaya'ay hajxy jadhñ  
mmøødhity tu'ugjoot  
tu'ugjuøhñdy. Amén.